

کورتە پۆمان

داستانەى ناتەمامە

فەرشید شەریفى

سرشناسه: فرشید شریفی، ۱۳۵۶
 عنوان و نام پدید آور: داستانهای ناتهامامه، فرشید شریفی
 مشخصات نشر: سنندج، آراس ۱۳۹۲
 شابک: ۹۷۸-۶۰۰-۶۸۴۰-۵۰۰-۵
 وضعیت فهرست نویسی: فیپا
 یادداشت: کوردی
 موضوع: داستانهای کوردی - قرن ۱۴
 رده بندی کنگره: ۱۳۹۲ ۴۴۵ش۷۴۵/س/۳۲۵۶ pir
 رده بندی دیویی: ۸۹۹/۲۳
 شماره کتابشناسی ملی: ۳۲۲۰۰۳۳

داستانهای ناتهامامه

کورته رۆمان

نوسه‌ر: فهرشید شریفی

ئیمایلی نوسه‌ر: baran۱۳۵۶@gmail.com

تایپ و کاری روویه‌رگ و دیزاین: نوسه‌ر

تیراژ: ۱۰۰۰

چاپی یه‌که‌م سالی: ۱۳۹۲

بلاوکار: سنه - ئاراس

شابک: ۹۷۸-۶۰۰-۶۸۴۰-۵۰۰-۵

نرخ: ۶۰۰۰ تمه‌نی

وات: جه ديدى بهد، من پيم نياوان

خه تاي كهس نيين، جه وئمه ن تاوان

«سەيدى هەورامى»

سەرنج:

با ئى گله ييچه ئەچيگەنە باس كەروو كە بپيار بى ئى داستانى جه
لايه نو دەزگايوه هەورامى!!! به مەبەستو خزمەت به هەورامى نويسا و سەرو ئەركو
وئشا چاپش كەرا، بەلام به داخەو بەلئنه كەشا نەبەردە سەر و، دما يەرئى سالا...
هەر پا بۆنەو چاپو داستانە كيچ پەى ماوهو زياتەر جه يەرئى سالا دما كەوت.

...

چا ساتەو فرەشا دانى و وسانىشا زېلدانو رۆحه شەقار شەقارە كەيم...
چا ساتەو هەورئى وارانشا چەنە درئغ كەردىمى و
وارانيچ وئش... روهش وەنە هۆرگيلنايميو و...
ناش شيعرئوتەرى چنمى بالاشەرە و
ئاسمئيش جيا چەنىي مەراقە كانما...
نە هەناسە بۆو عەتریش مەنەن و نە گولئى گەلا مە كەرا

هۆ وركە... وئتەنى؟!... بۆ بۆ مەتەرسە وئمەنان!!
تۆ چى چەمئ پرتەشا مەى و گۆشئ كرمە و ددانانشا مەى؟
تۆ چى چۆرە چۆرە هەناسەيتەن و
دووكەليچت شەرمناەنە تەنيايى وئش!؟

خۇ چېگە چەم چەم نىيەن و
 گۆش دەروازەو حە كايە تە پىرە كان نىيەن
 چېگە پۇشنايى قاقچىش شەلىنى و
 دەسە دارەو دەسو لالۇ وەشلانە كانش مار دەن و
 دار ھەنارى... ولە كىشان گەرد پىزايىنەر
 ھەمرۇ... قۇتەر پۇچشا پووتر كىيانى
 خۇ ئەگەر پوازىچ نەوۇ، دار ھەر دارەن و كرمىچ بى دەوئەتنامە مېمانەن
 قۇتەرئى گەرد پووتر كىيانى و مار و مەۋچە مېمانىشانەن...
 باوەش باوەش پەپولە پايىزى بالىشان گەرتى و
 قەرچە قەرچو قۇلانچە كاشا ئاس جىيا پەي ئانىشا
 گۇرانىيىشا پۇرە بىچنانى و نەمە چنانىچ...
 وادەمەن و ھەورئى ھەورئى نىيەنى، تۇزىنى
 شەوئەنە، پەو كەتى شەمشەمە كۆرئى قۇزىنى
 سەد... د

ھەشتا...

دوئى...

ھەزارىچىش بىنە پال، با خىشتە كە پەرى پەرى بۇ!
 دەمت بىنە گۇرانى واچ!! با ھانەمان تەرى تەرى بۇ!
 گۇرانىيىمان بىيىنى بە زەنگىيانى و
 كەوتىيىنى ملو كىناچە وەشلانە كا
 بەلام كەس نىيەن ھاوار كەرۇ و بىاوۇ دادو ئىلىيانە كا...
 ھۇ شاعىر... شاعىر!! دىوانە كەت ماشەو... با...
 ھەر ھىچ نەبۇ... با زمسانى ئاسوودى با ھەژگە كىمان
 با گەلاشان سەوزى سەوز بۇ بەلوە كىمان

۱

«تاخ ... ئی جگهره تالّه چیش بی کیّشام...!».

- پاسه بزانونو خهریکهن چه‌نی ویش قسی مه‌که‌رۆ.

- ئیتر چیشش وات؟!

- نهمی ویرم. ره‌نگه قسی فره‌ته‌ریش که‌ردیبا و من

نه‌ژنه‌ویه‌بۆم. گوشتی هه‌میشه ئا چیا نهمه‌ژنه‌وا که مشۆ بژنه‌واشا. یا ئا

چیا مه‌ژنه‌وا، که مشۆ نه‌ژنه‌وا. کی چوزانو چیش ماچۆ! خۆ داشه‌ره

قسه‌که‌رده‌ی، دنیا نهمه‌گیرۆش. ئاها...! نامه‌وه یادم چیا تهریچش

وات. واتش داخۆ ئی واراننه که‌ی بووریۆوه؟ مه‌به‌ستش ئانه بی وه‌ش

که‌رۆه!

- به راسته‌ن پاسه‌شه وات؟ باوه‌ر نهمه‌که‌روو. ئاخ‌ر کی هه‌ن

وه‌شش نه‌ی جه واران‌ی؟ یا کی هه‌ن قینه‌ش بۆ جه واران‌ی؟ فره‌ که‌س

حه‌سه‌رتو وارانیشه‌ن. فره‌ که‌س ته‌گه‌ر جه واده‌و ویش ویه‌رد و نوارا،

بی‌تاقه‌تیش مه‌که‌رۆ. تاسه‌ش مه‌که‌رۆ. دلش په‌ی ته‌نگ مه‌وۆ. خاس

ویر که‌روهه‌ بزانه چیشش واته‌ن؟ ره‌نگه چیا فره‌ته‌ریش واتیب‌ا تۆ خاس

نه‌ژنه‌ویه‌بۆت.

- کوره‌ برا چوزانونو چیشی ته‌ریش واته‌ن!

- ڕاسیی واتت جگەرە...! مەگەر ئاد تەرکش نە کەرەبی؟
 مەگەر نەنیاییش تاق؟ پاسەم ئەژنەویەبی دەشش چەنە کیشایی. جگەرە ی
 ماچوو! واتەیی ش هەرچی مە کیشم دەسوو ئی جگەرە یەو مە کیشم.
 واتەیی ش هەر ئی جگەرە نە نمازۆ بیاموی کارە کامارە و وەخت و ناوەختش
 چەنە گرتییمێرە. گردو قسە کاش نییە نی یادمەنە، بەلام پاسە بزانیو،
 سوور بی سەر و و ئانە یە بنیۆش لاو و وازش چەنە باورو.

- کورە چا ڕۆو دەشش کەرەنۆ بە ئەو نوێسەر داستانە و
 ژیاویش، دیسانە و دەشش پەنە کەرەنۆ. دەشش پەنە نە کەرەنۆ. مەدۆو
 سەرەیش و مەنە مۆشۆ وەنە، بەلام خاسیش ئانە نە مە کیشۆش. زوو مە یو
 ویشەرە.

- داستانە و ژیاویش! گوا قەرارەن داستانە و ژیاویش بنویسو؟ من
 ئە جیاییم چیۆی چا گرینگتەر مە بنویسو! پاسە لوی دلی فکرانەرە و دی
 پە ی زەمینو وەرەمیش و جار جار سەرە بەرز کەرۆو و چە مۆیچ وزی
 ئەو درەختو کوو جیۆ وەرە یانە کەیشا و جار جار یچ سەرە گیلنۆو پیلارە و
 تەماشایەو پاسارو سەر و بانە کەیشا کەرئ، واتم ڕەنگە گەرەکش بو
 داستانۆو پاسینی بنویسو تا ئیسە کەسی نە بنویسبو. یا داستانۆو بو
 کەس نە تاوایۆش بنویسۆش. یا چی دمایچ کەس نە تاوۆ بنویسۆش.

- ڕاسە کەش منیچ نە زانیو گەرەکشەن چی ش بنویسو، ڕەنگە
 ئانە نەوۆ واتم. ڕەنگە چیۆی تەری بو.

- وهخته بی ویرم بشو مه‌گهر جگهره ههر تال نییه! گوا
بیژگه‌م جگهره‌ی تالیچ جگهره‌ی تهریچمان هه‌ن؟ وای جگهره‌ی شیرین
و ترش و ئینیچه بانئ! یا ره‌نگه بانئ و ئیمه نه‌زانم.

- خو گردو وهختا نمه‌کیشو، ته‌نیا ئا وهختانه مه‌کیشو که
هه‌واو نویسه‌ی مه‌دۆوه سه‌ره‌یش و ده‌س به نویسه‌و داستانه‌کیش
مه‌که‌رۆوه. یا ره‌نگه ههر نه‌کیشو‌یچ. خاس سه‌رنجم نه‌دان بزوانو
مه‌کیشو یا نا. جار جار دیه‌نم مه‌گیرۆش ده‌س و، شقارته‌کیچش به‌ر
ماورۆ و گهره‌کشنه‌ی گیسنۆشه‌نه، به‌لام ئیتر نه‌زانو مه‌گیسنۆشه‌نه یا
نا.

- مه‌گهر ئا داستانئ چیشه‌نه پاسه‌ داگیرش مه‌که‌رۆ؟ تو
واچی ویر که‌وته‌و ویه‌رده‌ی بو، یان چوو‌زانو چی وه‌لاتو ئیمه‌نه ئانی
که‌ مه‌وان به‌ شاعیرئ یان نویسه‌رئ، یان داستانونیسی، خول خول شیع‌ر و
داستانه‌کیشا مه‌لاوه سه‌رو دل‌داری و وه‌شه‌ویسی. ماچا سه‌ره‌و گاوی
ههر دۆلنه‌... شاعیر و نویسه‌رئ لا ئیمه‌یچ ههر پاسه‌نئ. ئه‌لبه‌ته‌ دوو
ئادی...

- ئه‌جیام جگهره‌ی ماچی! ئه‌جیام گهره‌کتنه‌ وای مه‌لۆوه
سه‌رو جگهره‌ی. تو وای ئادیچ پاسه‌ بو! یان پاسه‌ بیه‌بو! تو وای
گهره‌کش بو سه‌ربرده‌و وه‌شه‌ویسیه‌ که‌یش گیلنۆوه په‌یما! یا په‌یشا! په‌ی
خه‌لکی. په‌ی ئانیشا تامه‌زرۆو وه‌نه‌و داستانی! ئادیچ ئاشقانی و
دل‌داری! باوه‌ر نه‌که‌روو... چیوه‌که‌ قوولته‌ر چانه‌یه‌نه. ره‌نگه‌ قوولیچ
نه‌وو و من به‌ قوولش بزوانو. ئارۆ به‌رده‌نه بیه‌بی و بیتاقه‌تی زۆرش په‌ی

ئاوردەبەج و ڕەنگە ھەر ئانە بۆ زوو ئامەبۆو پە ی یانە ی... ئەلبەتە ئاد ھەمیشە نا بەردنە. کارە کەش پاسە موازۆ.

- دە ی زوو ئامەنۆ چیش کەرۆ؟ دەس بە نویسە و داستانە کیش کەرۆ؟

- منیچ ئەوێل خیالە لاو ئانە یە لوا. بەلام کەمە دما تەر... کورە داستانەو چیشی! ئامە ھەوشە کینە نیشترە و - نە نیشترە، کۆرپەش کەرد، چوونکە ھەوشە کینە ھیچش نییەن سەر شەنە بنیشۆرە - دەسش کەرد گیرفانە شەرە. گیرفانە شەنە بەرش ئاورد و ترەق... گیسناشەنە. جگەرە کە ی ماچوو! دیار بی فرە بیتاقەت بی. سالان پیسە نەوی. سەر حال تەر جە ئیسە یە بی. ئی لاو ئەولا کەری. چەنی ڕەفتان گیلای کەری. کەش و کۆ لوینی... ئندە وەششا بی، فکرو سەوایش نە کەرینی.

- چەنی کی لوینی؟ پە ی کۆی لوینی؟ چیش کەرینی؟ تۆ واچی ھەر چا وەختانە فیرو...

- کورە فکری خراوی مە کەرە. ئاد کە ی پاسە بییەن؟ ھەر گیز پاسە نەویەن. خۆ کی چووزانو ڕەنگە پاسە بیەو و من نەزانابۆم. پیا مەتاوۆ ھەلی کەرۆ. پیا مەتاوۆ ژیاویشەنە ھەلی فری کەرۆ. یا ژەنی! ژەنیچ ھەر مەتاوۆ. ژەنیچ مەتاوۆ ھەلی کەرۆ. ئە ی مە گەر ئەدا ھەوا نەوینە، باوہ ئادەمش گۆل دان و ھۆرش خەلتان؟ بەلام ھەمیشە چەنیش بیەنان... شەو و ڕۆ... وەخت و ناوەخت... فرەو وەختا چەنیش بیەنا.

واچی غه‌فله‌تم که‌رده‌بۆ و... با فکرم یاگی خراوه‌ره نه‌لۆ. هەر ئنده مه‌زانوو، ئیسه که‌میوه بیتاقه‌ته‌ن و ره‌نگه یادشه‌نه نه‌مه‌نه‌بۆ ته‌رکش که‌رده‌بیج و ئیسه هه‌مدیسان لوانۆ سه‌رش...

پاسه بزوانوو کوو جییئه «قاله و حه‌مه شهل»ی، مه‌رحه‌باییش که‌رده‌بیج و ئادیش جواوش نه‌داییوه.

- «قادر»ی ماچی! ئا فه‌قیره چه‌نی نامی ویش و بابه‌یچشا خراوه که‌ردینه...

- خراوه نا... شیوناییشا. خه‌تاو که‌سیچ نیه‌نه نامه‌کی نیما سه‌رو زوانی!

- ده‌ی باشه، تو وچه نامه‌کی نیما سه‌رو زوانی، ئه‌ی شهل که‌شا چی لکنان پۆوه؟

- ده‌یتر ئادیچ کارو خودایه‌ن و ویر وسه‌که‌یچش کارو به‌نده‌یه‌ن. خه‌لک ماچۆ. ماچۆ پیا هه‌رچیش سه‌ر به‌ی، ئیراده‌و خودایش نا چه‌نه. هه‌زار بۆ، ده‌وله‌مه‌ند بۆ... شهل بۆ، کۆر بۆ، گێر و گه‌وج بۆ... هه‌رچی بۆ ئیراده‌و خودایش نا چه‌نه. یا ژه‌نی...! فه‌رق نه‌مه‌که‌رو ژه‌نیچ هه‌ر پاسه. ژه‌نیچ هه‌رچیش سه‌ر به‌ی، هه‌ر ئیراده‌و خودایش نا چه‌نه.

- تو وچی خودا چی بری به‌شه‌ری شهل مه‌که‌رو؟ یان بریشا کۆری! یان که‌چه‌لی! یان بی ویزدان!

- ویزدان! ویزدان! ئادیچ مه‌راقو بی ویزدانیش که‌ردن. یانی هیشتای نه‌که‌رده‌نش، به‌لام دوور نییه‌ن که‌رو. مه‌راقی ماچو! نا یادمه‌نه هه‌میشه باسو ویزدانی که‌ری. وچی ئه‌گه‌ر ویزدان بیاه، فره‌و

چېوا ھەر ویشاۋە ۋەشى بىنى. فرە کاروبارى پرىنپوۋ. فرە ناۋەشىي چارەسەرى كرىنى. ئەگەر وىژدان بىايە، بى وىژدانى سەرە وىشا ھۆرگىرىنى و ئازىنى جيا ئى ۋەلاتىيە. ھەر ئا بى وىژدانىچە نمازا خەلک ئىسراحت كەرۆ. ئىسراحتو خەلکىشا شىونان. مەراقشا كەردەن بە خەلکى. پادىچ. ئادىچ ۋەختەن مەراق كەرۆ. يا رەنگە كەردەبۆش و ھىشتای بە وىش نەزانابۆش.

- مەراقو چىشى... كى كارش نا پۆشۆ؟ ئاد با سەرەش دلى كارو وىشەنە بۆ، ئىتر كى سەرەراش ۋەنە مەگىرۆ؟ نواتت جواو سلامو قالەو ھەمە شەلىش چى نەداپوۋ!

- ۋاچى ئەنو ئانەيە نەۋىيەبۆ دالغەنە بىيەبۆ! يان دالغەي نەۋەردەبۆ! (بىيەي ۋ بەردەي ھەر يۆىنى)... بەلام رەنگە ھەر ئانە بىيەبۆ. ئاد، چانىشانە نىيەن جواو سلامو كەسى نەدۆۋە... ئادىچ قالەو ھەمە شەلى! ھەر ئانەنە دالغەنە بىيەن. رەنگە فەكرەنە بىيەبۆ ۋ ھاگاش جە دەۋرۋەرىش نەۋىيەبۆ. يا رەنگە بىيەبۆ ۋ ... يا رەنگە من خاس قالەو ھەمە شەلى نەژناسوو. ھەتمەن وىش خاستەر مەژناسۆش، پەۋچى جواۋش نەدانوۋە. جواۋو سلامە كەيش!

- شەۋەش ئامە ملەرە ۋ ھىچش نەكەرد.

- گوا بە تەمانى چىش كەرۆ؟ پۇرپۇ ھەر يادشەنە مەنەبۆ

داستانە كىش بنويسۆ؟

- ئەو ئانه‌یه نەمشۆ، هیزی تا ئیسه هیچش نە کردەن، هەر
مەنیشۆره و چەم مەورۆ کەشە کەو وەراوەریش، فرە سالیڤ ئا کەشە نا

پی زوانه مگنۆ وەرۆ دەسو
ئارەزوومە نداو ئەدەبیاتو هەورامی

